



Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. XI. De emphytevta mulctando expellendo jure retractûs emphytevseos,
& an emphytevta fructus suos, debeat primo loco venales directo domino
proponere?

urn:nbn:de:hbz:466:1-40013

citatis aut non, sic distinguendum est, recipiendo canonem pro annis præteritis non remittit caducitatem; quia canone insoluto Emphyteuta potest expelli, eâ lege, ut solvat canonem de præterito per Auth. qui rem. de sacros Eccles. ergo de jure subest tacita protestatio canonem recipi salvo jure proprietatis, recipiendo verò canonem pro tempore futuro, seu nondum sibi debitum Prælatus Ecclesiæ collegiatæ non censetur caducitatem remissile, quia sine consensu capituli nulla est remissio, Prælatus verò Ecclesiæ non collegiatæ cum remittere possit, censetur talis canonis acceptatione remissile non minus, quam Emphyteusi laica præsumitur tunc remissio, quia acceptans canonem nondum debitum solventem agnoscit pro Emphyteuta, & restaurat jus ob hoc amissum, id est, quod velit in eo continuare Emphyteusian, aliás non posset accipere canonem nondum debitum. Quare Domino competit triplex via. Primò exigere canonem cum remissione poenæ. Secundò canonem cedere, & exequi caducitatem. Tertiò exigere co-

pulativè, seu exequi tam canonem, quam caducitatem: habet enim jus copulativè ad utrumque, non disjunctivè, contra Fachsenzum, aliás etiam protestando non posset utrumque exigere contra Adversarios.

Sextò in pluralitate hæredum possidentium rem communem vestigalem uno canonem non solvente verius est caros non cadere in commissum, Haunold, n. 519. Fachsen. lib. 1. c. 92. Contra Iulium Clarum, Molinam & communiorum; Caducitas solius portionis concorrentis non solventem colligitur ex L. 1. ff. de publicanis, estque ratio, quod tunc habeant se ut plures Emphyteuti, consequenter sicut si ab initio plures fuissent uno non solvente ceteri non caderent in commissum, ita nec in nostro casu,

Dices cum Adversarijs obligatio defuncti non mutatur in persona hæredum ergo unico non solvente penseret Emphyteuta non solvere. Resp. Nego antecedens in persona hæredum materialiter sumptorum.

§. XI.

De Emphyteuta multando, expellendo, iure retractu Emphyteuseos, & an Emphyteuta fructus suos debeat primo loco venales directo Domino proponere.

165. **Q**uartuor quæstiunculae continentur in titulo proposito. Prima an Dominus directus, qui non est Dominus Vogtejæ vulgo Vogt-Herr/ seu Dominus jurisdictionis possit multare Emphyteutam. Resp. Negativè quia

multatio est actus jurisdictionis, proinde spectans ad Magistratum, ac Provinciarum Præsides L. alind frans 131. S. 1. ff. de V. S. Dominus autem directus rei Emphyteuticæ quæ talis nullam habet jurisdictionem in Emphyteutam, aliás cum quia

quibus privatus etiam plebejus potest probabilius rerum suarum habens administrationem in Emphytheusim dare, qui liber posset Emphyteutam suum judicare, ac multare, quod est contra jus communis teste D. Chlingensperger in *Disput. Juridica de jur. Emphyteut. Assert. 37.* juncta 65. in qua tradit, quod ex Privilio provinciae statibus in Bavaria concessu quisque Dominus possit per se, aut famulos in suis praedijs Emphyteuticis iure directi Domini exercere pignorationem, seu mulctationem germanicæ Pfandt esto sit actus jurisdictionis, & Pralati ex singulari favore possunt incarcere subditos Emphyteuticos.

Quæres secundò an directus Dominus ob canonem non solutum propriâ Authoritate Emphyteutam queat expellere. Affirmant multi cum Vasquez Mynsing. Cent. 3. observ. 65. Molin. Disp 453. circa finem vers. Queritur num Emphyteut. Laym. Resp. Cum Fachin. lib. 1. contr. c. 95. negativè de expulsione violenta, qualis foret, si Emphyteuta factis resisteret; affirmativè verò de non violentia; nempe potest Dominus attentare ingressum contemptâ resistentiâ verbali, seu protestatione Emphyteutæ, quando Dominus est certus culpabiliter canonem non esse persolutum. Ratio primi, quod jus non concedat privato expulsionem violentiam extra casum, quo quis injuste possessionem naturalem recenter occupavit, & Dominus illum in continentia aggreditur, sed servandus est juris ordo, ac judicis Authoritas imploranda. Ratio secundi est, quod Dominus sit civilis possessio, jusque videatur illi concedere acquisitionem naturalis posses-

sionis titulo caducitatis debitam, si potest recuperari sine violentia (sicut Dominus equi furto sublati reperti in stabulo furis potest eum solvere, & abducere, licet fur contra protestetur, non tamen posset, si facto se opponeret) & sic Emphyteutam facere ex Reo actorem conjiciendo in eum onus agendi, Haunold. n. 524. Consentit Raiffenstuel de locato n. 194. Argument. L. creditores Cod. de pinguerat: Creditores, inquit, qui non redditâ sibi pecuniâ conventionis legem ingressi possessionem exercent, vim quidem facere non videntur, attamen Authoritate Presidis possessionem adipisci debent. Ratio, quia nemo sibi judex esse debet L. 1. c. ne quis in sua causa judicet.

Quatuor limitationes subjicit Raiffenstuel à n. 196. seu casus, in quibus nequit expelli Emphyteuta, seu non incurrit pœnam caducitatis. Primò si Dominus directus Emphyteutæ aliunde debet tantum, quantus est debitus canon. Secundò quando justa causa eum excusat à solutione canonis E. g. sterilitas. Tertiò quando solutio est omissa ex ignorantia, ut si hares Emphyteutæ nescivit rem esse Emphyteuticam: Phiring. de locat. n. 37. Laym. lib. 3. tratt. 4. c. 23. n. 8. advertentes hanc limitationem de rigore juris non procedere, sed de æquitate, secundum quam restitueretur in integrum Emphyteuta etiam major 25. annis; idque colligunt ex illa clausula universalis: Si qua mihi causa videbitur L. 1. in fin. ff. ex quibus causis major. Quartò si Dominus canonem loco, & tempore debito ab Emphyteuta oblatum recusavit eit. Laym.

Y 3

Quæ.